

PM serta rombongan mengail di Fiji

SUVA (Fiji), Ahad — Datuk Seri Dr. Mahathir Mohamad dan rombongannya beristirahat hari ini dengan menaiki sebuah bot menangkap ikan air dalam berhampiran Pelabuhan Pasifik, sebuah tempat bercuti di sini.

Perdana Menteri yang diiringi oleh Datin Seri Dr. Siti Hasmah, Menteri di Jabatan Perdana Menteri Datuk Abdullah Ahmad Badawi dan isterinya, Datin Endon serta Pesuruhjaya Tinggi Malaysia ke Fiji, Encik Karim Marzuki, telah pergi ke laut untuk mengail ikan.

Menteri Buruh, Perhubungan Perusahaan dan Imigresen Fiji, Encik Tomasi Vakatora turut serta dalam rombongan tersebut.

Rombongan itu kemudian diraikan dalam satu majlis jamuan makan tengahari ala 'lovo' di mana makanan dimasak di atas batu-batu merah yang panas dalam sebuah lubang dan ditutup dengan tanah.

Perdana Menteri dan rombongannya akan berlepas ke Tonga untuk memulakan rangka lawatan kedua ke negara-negara Pasifik Selatan pagi esok. — Bernama.